

# 2019-2020 აკადემიური წლის გაზაფხულის სემესტრის უნივერსიტეტში დაშვებული სასწავლო პროცესებისათვის

## რეკომენდაციები და ინსტრუქციები

### (თანამშრომლებისთვის)

მიმდინარე წლის 10 ივნისიდან თბილისის თავისუფალი და საქართველოს აგრარული უნივერსიტეტების შენობებში ლაბორატორიული თუ პრაქტიკული მეცადინეობებსა და საგამოცდო სესიებზე დასასწრებად წინასწარ განსაზღვრული განრიგით ივლიან სტუდენტები, რაც საჭიროებს კონკრეტული წესების და შეზღუდვების ამოქმედებას, რომელთა დაცვა ძალიან მნიშვნელოვანია.

არსებული ვითარების და წესების შესაბამისად, უნივერსიტეტებმა გაიარა შესაბამისი ორგანოს მიერ ორგანიზებული შემოწმება, რომლის თანახმადაც უნივერსიტეტები კონკრეტული ინსტრუქციების და რეჟიმების დაცვით უზრუნველყოფენ შესაბამის გარემოს სტუდენტებისა და თანამშრომლებისთვის.

აღნიშნული სტანდარტები მოქმედებს შენობების იმ სივრცეებში, რომლებიც აქტიურია 10 ივნისიდან და ხელმისაწვდომი იქნება სტუდენტებისა და თანამშრომლებისთვის.

გთხოვთ, ყურადღებით გაეცნოთ ქვემოთ მოცემულ რეკომენდაციებსა და ინსტრუქციებს, რომელთა ზედმიწევნით შესრულება და დაცვა სავალდებულოა:

- თანამშრომლებისათვის, რომლებიც თავიანთი ჯანმრთელობის მდგომარეობიდან ან ხანდაზმული ასაკიდან გამომდინარე შედიან მომატებულ რისკ-ჯგუფში, მკაცრად რეკომენდებულია წინასწარ გაიარონ კონსულტაცია შესაბამისი ადმინისტრაციული ერთეულის ხელმძღვანელთან უნივერსიტეტში მათი ფიზიკურად სიარულის შესახებ და შესაბამისად, სასწავლო პროცესიდან თვითაცილება მოახდინონ.
- თანამშრომლებს, რომელთაც აქვთ რესპირატორული ინფექციისთვის დამახასიათებელი სიმპტომები (ცხელება, ხველა, სუნთქვის გაძნელება) და ამ პერიოდში აქვთ დაგეგმილი შესაბამისი განრიგის მიხედვით ლაბორატორიული/პრაქტიკული მეცადინეობა ან გამოცდა, არ უნდა გამოცხადდნენ უნივერსიტეტებში და წინასწარ უნდა მიმართონ როგორც მათ უშუალო ხელმძღვანელს, ისე ადამიანური რესურსების მართვის მენეჯერს, თუა ოდიშვილს.
- უნივერსიტეტების ცენტრალურ შენობაში შესვლა შესაძლებელია მხოლოდ ორი შემოსასვლელით ცენტრალური ფოიედან - აღმოსავლეთის შემოსასვლელით (ე.წ. ცენტრალური შემოსასვლელი ფოიეში) და დასავლეთის შემოსასვლელი (ე.წ.

პარკინგიდან შემოსასვლელი ფოიეში). სხვა შემოსასვლელები ამ პერიოდისათვის არ იმოქმედებს.

- შემოსასვლელებში განთავსებული იქნება დეზობარიერები.
- უნივერსიტეტების შენობებში შემოსვლისას და ყოფნის მთელი პერიოდის განმავლობაში სავალდებულოა პირბადის სათანადოდ ტარება, მათ შორის ლაბორატორიული/პრაქტიკული მეცადინეობებისას, საგამოცდო სივრცეებში და ადინისტრაციულ ფლიგელში.
- უნივერსიტეტების შენობებში შემოსვლისას სავალდებულოა თითოეულმა თანამშრომელმა გაიაროს თერმოსკრინინგი. თერმოსკრინინგი განმეორებით კეთდება ლაბორატორიულ/პრაქტიკულ მეცადინეობაზე და საგამოცდო სივრცეებში.
- თერმოსკრინინგის გავლა საჭიროა შენობაში ყოველი შემოსვლისას.
- თერმოსკრინინგზე დაფიქსირებული ტემპერატურის მონიტორინგს ახორციელებს უნივერსიტეტების შესაბამისი თანამშრომელი და მასზე დაფიქსირებულ ნორმაზე მაღალი მაჩვენებლის შემთხვევაში, იქცევა უნივერსიტეტების მიერ შემუშავებული საგანგებო სიტუაციების გეგმის შესაბამისად.
- თერმოსკრინინგის გავლის შემდეგ, თანამშრომელმა უნდა გაიაროს დეზობარიერზე.
- ლაბორატორიულ/პრაქტიკულ მეცადინეობებსა და საგამოცდო სივრცეებში შესვლისას თანამშრომელი ვალდებულია დაიმუშავოს ხელები შესაბამისი სადეზინფექციო ხსნარით.
- რეკომენდებულია ლაბორატორიული/პრაქტიკული მეცადინეობების დაწყებამდე, ამ პროცესში მონაწილე თანამშრომელთა (ლექტორი, ლაბორანტი, ადმინისტრაციული პერსონალი) მინიმუმ 30 წუთით ადრე შენობის შესასვლელთან ყოფნა, იმისათვის რომ საკმარისი დრო იყოს შენობაში და შესაბამის სივრცეში დაშვების პროცედურებისათვის.
- ლაბორატორიული/პრაქტიკული მეცადინეობების ან/და საგამოცდო სივრცეებში არსებული ზედაპირები და შესაბამისი აღჭურვილობა ყოველი მეცადინეობის ან/და გამოცდის სესიის შემდეგ მუშავდება შესაბამისი ხსნარებით და ხდება მათი დეზინფექცია. სესიებს შორის განრიგით გათვალისწინებულია სპეციალური შესვენებები ამისათვის.
- რესპირატორული ინფექციის ნებისმიერი სიმპტომის გამოვლენისას (ცხელება, ხველა, სუნთქვის გაძნელება), უნივერსიტეტების ტერიტორიაზე მყოფი თანამშრომელი ვალდებულია დაუყონებლივ მიმართოს უნივერსიტეტების ექიმს (აუდიტორია #209) ან დაცვის სამსახურის შესაბამის თანამშრომელს ცენტრალურ ფოიეში. თუ ასეთი სიმპტომები უფიქსირდება სტუდენტს და თქვენ იგებთ ამის შესახებ, დარწმუნდით რომ შესაბამისი შეტყობინება გაკეთებულია უნივერსიტეტის ექიმთან ან დაცვის სამსახურის შესაბამის თანამშრომელთან.
- უნივერსიტეტებში ყოფნისას, ლაბორატორიულ/პრაქტიკულ მეცადინეობებსა და გამოცდების სესიებმდე და მათ შორის, თანამშრომლები უნდა მოერიდონ თავშეყრას და ერთმანეთთან ახლო ფიზიკურ კონტაქტს.
- სტუდენტებისათვის ადმინისტრაციული სერვისების მიწოდების ან კონსულტაციების გაწევის მიზნით რეკომენდებულია შესაბამისმა თანამშრომლებმა გამოიყენონ

დისტანციური ინსტრუმენტები როგორც კომუნიკაციისთვის, ისე კონკრეტული სერვისის თუ კონსულტაციის მისაწოდებლად.

- უნივერსიტეტების ლაბორატორიებსა და საგამოცდო სივრცეებში არსებული კონდიციონერების სისტემა ჰაერ-ნაკადს იღებს შენობის გარედან, ამდენად მისი მოქმედება დაშვებულია და მიზანშეწონილიც არის შენობების დამატებითი მექანიკური ვენტილაციისათვის.
- ეფექტიანი დეზინფექციის მიზნით სველი წერტილების ნაწილი, რომლებიც არ მდებარეობენ გამოყენებული სივრცეების მიმდებარედ, დაკეტილია.

ვიმედოვნებთ, რომ სასწავლო პროცესის ყველა მონაწილე ზედმიწევნით დაიცავს ამ რეკომენდაციებსა და წესებს, რისთვისაც წინასწარ გიხდით მადლობას.